

GECHI-INENDAAGWAK: IZHICHIGENG IWE GAA- NAAGWAASINONG ISHPIMING GAABAN GANEDAT IZHICHIGEWIN



Giishpin gidazhiikewin andawenjigaadeg ji-dagwiing gaaban ganedat izhichigewin, owe daa-izhichigenaaniwan. Gaa-nagadenimindwaa gi-daa-gagwe-wiidanokiimaawaag gaa-gikendamowaad gaaban adaawewin gaye gaaban ganedat izhichigewin ji-ozhi'aaweg ge-anokiiwaad gaye ji-ondinameg gikendaasowin ji-onji-maajitooyeg gaa-naagwasinog ishpimiing (GHG) izhichigewin.



1. Odaapinameg Offset System gaye Inaakonigewinan

Endaso gaaban ganedat izhichigewin ayaa ge-izhichigewaad gaa-dagwiiwaad, onizhishin dash ji-waawaabandameg wegonen ge-doodameg jibwaa-maajitaayeg izhichigewin gaye aaniindi ge-ayaag.

Gikendameg gaye awenen ge-adaawed iwe gaaban ganedatan ge-dibendameg da-onizhishin apii inendameg ji-dagwiinyeg imaa gaaban ganedat izhichigewin. Giishpin ayaamagak wenizhishing imaa gidizhichigewining daabishkoo gaa-daswewaanagak bimaadiziwin gemaa ji-ganawenjigaadeg ge-danakiwaad awensiwig da-wii-adaawewag awiyag bizaanigo adaawewining. Gaa-miigiwewaad ganedatan igi gaaban ganedat ge-aabajitoowaad igi ikidong ji-izhi-adaaweng o-da-andawendaanaawaa igi niibiwa GHG gaa-bagidinamowaad gaa-inaakonindwaa ji-izhichigewaad. Eyaamagak gaye endawenjigaadeg, gaaban ganedatan gaa-inwaadegin ji-aabadakin imaa gaa-ikidong ji-izhi-adaaweng nawach daa-ishpagindewan apiich wiin ini bizaanigo gaa-adaawewaad.

Iwe gaaban ganedat izhichigewin ge-odaapinaman daa-ayaamagan gaaban ganedat inaakonigewin ge-onizhishing gaa-wiidoodaman gidizhichigewining.

Gikendan iwe offset inaakonigewin ge-aabajitooyin gidizhichigewin- ing gaye gidizhichigewin ji-gashkitoomagak ji-doodaman iwe gaaban ganedat izhichigewin endawenjigaadeg enaakonigeng





2. Maajitooyin iwe Gaaban Ganedat Izhichigewin

Maajitooyin iwe gaaban ganedat izhichigewin gi-ga-ozhiitaa nitam; amii eta ge-izhi-minoseg gidizhichigewin giishpin weweni ozhiitaayin jibwaa-maajitaayin. Aanind gaaban ganedat izhichigewin gaa-naagajitoowaad o-da-andawenimaawaa' izhichigewin gaa-dibendamonid ji-waabanda'iwed ge-doodamowaad jibwaa-biindigebii'odizowaad.



3. Debwetaagoowin

Aanind gaaban ganedat izhichigewin gaa-naagajitoowaad o-da-andawenimaawaa' izhichigewin gaa-dibendamonid ji-andomaanid awiyan gaa-gikendaasonid ji-waabandang iwe izhichigewin gwayak ji-izhichigemagakiban jibwaa-biindigebii'odizowaad. Awe ge-waabandang da-dibaajimo giishpin awe izhichigewin gaa-dibendang gaa-izhitoogwen iwe izhichigewin gaa-inaakonigeng gaye ji-gashkitood gwayak ji-onji-ozhi'oomagakin GHG gaaban ganedat anokiimaganinig.

Aanind izhichigewinan gaawiin memwaach inaasiuwag ji-waabanjigaadegin zhaagooch dash daa-onizhishin ji-gikenjigaadeg ji-onji-ozhi'oomagakin gaaban ganedatan (gaye nawach dawendan zhooniya ji-gagwedweng) memindage giishpin awe izhichigewin gaa-dibendang gaa-izhichigesig owe odaanaang gaaban ganedat izhichigewin dinookaan. Awe izhichigewin gaa-dibendang o-daa-anokii'aa' awiya gaye ji-diba'amawaad ini gaa-gikendaasonid ji-onji-debwetaagozid. Iwe izhichigewin gaa-nagajitoomagak gaaban ganedat izhichigewin gaye izhichigewin dinookaan gaye GHG zagakibii'igewin daa-odaapinigaade.





4. Biindigebii'igaadeg Izhichigewin imaa gaaban ganedat izhichigewining.

Gakina izhichigewinan onandawenimaawaa' izhichigewinan gaa-dibenda-monid ji-miigiwenid wiindamaagewin apii biindigebii'odizong. Ge-izhichigeng gaye wiindamaagewin ge-aabadak biindigebii'odi-zong bebakaan da-izhinaagwan owe dash wiin igo naasaab:

A. Izhichigewin Ezhinaagwak Dakobii'igan

- Aan ezhinaagwak iwe izhichigewin, aaniindi eyaamagak, GHG na nawach bangii bagidingaade gemaa odaapinigaade, aanapii emajji-taang gaye wegonen inaakonigewin e-aabajichigaadeg.

B. Enind minik bangii GHG ge-bagidinigaadeg

- Awe gaaban ganedat izhichigewin gaa-dibendang da-waabanda'iwe edibend-ang (dibendamowin gemaa miingoowiziwin) bangii nawach ji-bagidinang gaa-naagwasinog gemaa ji-odaapinang gaye gaaban ganedat ge-onji-ozhi'oomagakin imaa izhichigewining.
- Gichi-inendaagwan owe gaawiin dash niibiwa o-da-wii-andawenda-ziinaawa naasaab GHG ji-izhiseg gaye niizhing ji-aginjigaadegin.
- Aanind gaa-ondinind zhooniya o-daa-dibendaanaawaan gakina gemaa bangii iwe nawach bangii gaa-bagidinigeng izhichigewining onji, gikendan dash aaniin ge-izhiseyeg odaapinamog ogimaa ozhooniyaamin, ge-izhi-dagwiiyeg imaa gaaban ganedat systeming.
- Ozhitoooyeg aaniin ge-izhi-dibendameg ini nawach bangii GHG ji-bagidinameg gaye ji-odaapinameg gaye offset credits ge-gashkichi-gaadegin ginwesh daa-izhise, gikendan dash aaniin gidazhiikewin ge-izhi-gashkichigemagakiban maajitaamagak gidizhichigewin.
- Nisinoon ge-izhisegiban:
 - + **Gidizhichigewin ayaamagan akiing gaa-dibenjigaadeg:** Awe gaa-dibendang izhichigewin odibendaan gaye iwe aki gaa-dazhi-ayaamagak gemaa inaakonigewining o-gii-onji-ozhibii'aan ji-bagidiniwed bakaan gaa-dibendang GHG ji-odaapinigaadegin imaa.
 - + **Izhichigewin ayaamagan Ishkoniganing gemaa Dazhiikewin gaa-dibendang iwe aki:** Iwe dazhiikewin daa-onjiimagan bagidiniwewin gemaa aki dibenda-moo-mazina'igan gemaa ezhi-dibendaagwak aki mazina'igan gaa-ikidoomagak bizaanigo ji-odaapinamowaad GHG imaa onji.
 - + **Izhichigewin ate imaa akiing gaa-dibendang Akiikaan Ogimaa gaye dash gaa-aabajitoowaad Anishinaabeg ji-gii'osewaad:** Bizaanigo GHG ji-odaapinamowaad gemaa ji-baginidamowaad o-da-dibendaan Akiikaan Ogimaa baamaa ikidong bakaan. Dazhiikewinan o-daa-nagishkawaawaan Akiikaan Ogimaan gemaa Gaanada Ogimaan ji-bagidinindwaa GHG ji-odaapinamowaad gemaa nawach bangii ji-bagidinamowaad. Wedi BC Akiikaaning, owe izhinikaadewan "Ishpimin Wenizhishing Ji-wiiji-miininding Ikidowinan".


C. Ezhiseg gaye Izhichigewin Ge-izhiseg

- Amii owe ge-izhiseg (ezhiseg bizhishig) da-wiinde aaniin ge-inaka-migak gaye ini GHG ge-bagidinigaadeg ge-gii-izhisegiban giishpin gaawiin izhichigenaaniwanzinog iwe gaaban ganedat izhichigewin.
- Owe izhichigewin ge-izhiseg dibaajimom aaniin ge-doodamowaad gaye aaniin minik GHG nawach bangii ge-bagidinamowaad ge-odaapinamowaad imaa gaaban ganedat izhichigewining, gaa-inaakonigeng.

D. Ji-gikenjigaadeg Ge-onjiimagak Gegoon, Ge-godaawishkaag gaye Nibi Gaa-gii-giba'igaadegiban

- + **Ge-onjiseg Gegoon:** Ge-izhi-bagidinigaadeg GHG gaa-naagwasinog ishpiming onji. Daabishkoo gaa-jaagideg waasiganibimide dinookaan gemaa aki miijim.
 - + **Gaa-odaapinigaadeg GHG ishpiming:** Awe dazhiikewin izhichigewin odibendaan gaye iwe aki gaa-dazhi-ayaamagak gemaa inaakonigewining o-gii-onji-ozhibii'aan ji-bagidiniwed bakaan dazhiikewin GHG ji-odaapinigaadegin imaa.
 - + **Ge-izhi-ayaamagak wenizhishing:** Mii imaa ge-izhi-maawaji'oomagakiban gaye ganawenjigaadegiban gaye ge-izhi-bagidinigaadegibaniin GHG gaa-naagwasinog. Daabishkoo gitigaanan mitigoog gaye azhashki
- Ozhibii'an gakina ge-onjiimagakiban gaa-naagwasinog gaye gaa-odaapinigaadeg ishpiming gaye gaa-izhi-ayaag wenizhishing imaa gidizhichigewining gaa-izhibii'igaadeg offset inaakonigewining.
 - Iwe inaakonigewin da-ikidoomagan wegonen ge-bagijiseg ishpiming ge-dagonigaadesinog imaa GHG zagakibii'igaadeg giishpin gaa-onjiimagak izhi-izhisesinog izhichigewin.

Aanind GHG gaa-onjiimagakin, gaa-odaapinigaadeg ishpiming gaye gaa-izhi-ayaag wenizhishing imaa Mitigwaki Gaaban Ganedat Izhichigewining



E. Gaye Giiyaabi

- Izhichigewin gaa-dibendang da-waabanda'iwe e-gashkitood nawach bangii GHG ji-bagidinang gaawiin dash daa-gii-gashkichi-gaadesinon giishpin ayaamagazinog iwe izhichigewin, geyaabi.
- Gaawiin izhichigenaaniwanzinon gaa-anokaadamowaad ogo izhichigewining gaa-doodamowaad gaye ji-inaakonindwaa.
- Aanind gaaban ganedat izhichigewinan awe izhichigewin gaa-dibendang da-waaban-da'iwe aaniin ezhisemaganinig odizhichigewin aaniish zanagise ji-doodaming ngoding.

F. Ge-izhichigeng Ji-onji-maanzhisesinog Ozhiitaawin


- Aanind izhichigewinan nawach niibiwa gaa-odaapinamowaad gaye gaa-ganawendamowaad gaa-bagidanaamowing daabishkoo gaa-ayaamagak gitigaaning, mitigong, azhashkiing gaye asiniing, igi izhichigewinan gaa-dibendamowaad o-daa-naagadawaabandaanaa-waa giishpin naagach ge-bagidinigaadegwen iwe gaa-bagidanaamong ishpiming gikenjigaadesinog noongom ji-izhiseg niigaan.
- Ge-izhichigeng ji-onji-maanzhisesinog Ozhiitaawining gi-daa-wiindaan aaniin ge-izhichigeng ji-izhisesinog iwe.
- Mii ono ge-maanzhisesigibaniin mitigwaki izhichigewining: zakideg gemaa manijooshag amwaawaad mitigoo' gemaa gichi-nooding.

G. Aanjisewin

- Giishpin andawenjigaadeg gegoon gemaa gegoon izhiseg bakaan inake jibwaa-maajitaamagak izhichigewin mii iwe aanjisewin. Nawach niibiwa GHGs da-bagidinigaadewan bakaan inake. Daabishkoo nawach bangii mitigokenaaniwang ngoji miinawa dash nawach niibiwa mitigokeng ngoji bakaan.
- Gikendamog niigaan aaniin iwe ge-onji-izhisegiban, niigaan ji-gikendameg maagizhaa aanjisege gegoon.

H. Gagwe-gikendaagwak nawach bangii GHGs ji-bagijisegin

- Atoon imaa aaniin enendameg minik bangii GHG ge-bagijisegin gemaa ge-odaapinigaadegin imaa izhichigewining onji, gaa-inaako-nigeng gaye gaa-ayizhiing GHG offset inaakonigewin aabadak. Gaa-gikendaasod gemaa izhichigewin gaa-wijitwaad gaa-gikendang dibaabanjigewin o-da-gikendaan owe.



GHG Dibaabanjigewin

Dibaabanjigewin iwe gii-maawadoonigaadeg gikendaasowin gaye gii-dibaabanjigaadeg aan minik GHG nawach bangii ebagijiseg gemaa wedaapinigaadeg izhichigewining onji, gaye minik gaaban

Bagijisewining eyaamagakin

Bagijisewining eyaamagakin aabajichigaade ji-ondinigaadeg gikendaasowin ezhichigeng (daabishkoo aan minik bimide gaye waasigan gemaa gitigaan miijim e-aabadak GHG ji-onji-bagijiseg.



5. Izhichigenaaniwang

Owe gaaban ganedat izhichigewin da-bimiwijigaade biminizha'igaadeg offset system gaye inaakonigewin. Amii owe nawach bangii GHGs ji-bagijisegin gemaa ji-odaapinigaadeg gaye dash ji-maawadoonigaadeg gikendaasowin gaye ji-ganawenjigaadeg zagakibii'igewin (ji-dibaabanjigaadeg) gaye ji-ikidong debwe iwe minik e-bagijiseg gemaa e-odaapinigaadeg.



6. Naagajicchigewin

Iwe GHG nawach bangii gaa-bagijiseg gemaa gaa-odaapinigaadeg dibaabanjigaade izhichigeng gaa-gii-inaakonigeng offset imaa. Daa-aabajichigaade gikendaasowin iwe izhichigewin gaa-izhichigemagak (minik waasiganibimide, waasigan, gitigaan miijim, minik mitigokewin, gaye godak) gaye gaa-bagijiseg ishpiming daa-onji-gikenjigaade minik GHG ge-bagijisegin. Aanind nake, gaa-daataanginigaadeg aabadan ji-gikenjigaadeg owe bagijisewin. Ji-gikenjigaadeg GHG gaa-bagijiseg gaye gaa-odaapinigaadeg imaa azhashkiing gaa-izhi-gitigeng gemaa mitigokewining dibaabanjigaa-de moozhag gaye gaa-daataanginigaadeg aabadan.

Offset izhichigewining nawach niibiwa gaa-izhi-ganawenjigaadeg gaa-bagidanaamowing imaa gitigaaning, mitigong, azhashkiing asiniing daa-naagajitoonaawaa gliishpin nepich ji-onji-odaapinigaadegin GHGs megwaa izhiseg izhichigewin gaye ishkwaaseg credit. Izhichigewin naagajicchigewin ozhiitaawin owe daa-izhichigemagan:

- Daa-maawadoonigaade gaye daa-naagajichigaade gikendaasowin
- Daa-dibaadode aaniin ge-ondinigaadeg gegoon gaye gaa-odaapinigaadeg ishpiming gaye gegoon ge-izhi-ayaamagak wenizhishing.



7. Dibaajimong

Dibaajimong da-onji-gikenjigaade aaniin ezhiseg gaye ji-debwema-gakin GHG offsets izhichigewinan gaaban ganedat izhichigewining. Izhichigewin gaa-dibendang da-dibaajimo bizhishig ezhi-debwema-ganinig odizhichigewin imaa offset system gaa-naagajitood ji-ondizid ini gaaban ganedat. Da-ozhibii'igaade imaa gaaban ganedat inaakonigewining aaniin ge-izhi-dibaajimod awe izhichigewin gaa-dibendang.





8. Debweyendamowin

Da-onzhishin ji-debwetaagooyin ji-minoseg iwe offset izhichigewin gaye ji-minwendamowaad debwe gwayak e-izhichigemagak gidizhichigewin gii-dibaajimoyin. Apii awe izhichigewin gaa-dibendang bimiwidood izhichigewin (maagizhaa ango-biboon), mii ge-izhi-anokii'aad gaa-gikendaasonid bakaan gaa-onjiinid ji-ganawaabandang iwe izhichigewin ji-ozhibii'-ang dash enendang debwewin owe ji-ikidod:

- Weweni gii-izhichigemagan iwe gaaban ganedat izhichigewin e-gii-biminizha-igaadeg inakonigewin imaa gaaban ganedat izhichigewin onji.
- Minik GHG gaa-bagijiseg gemaa gaa-odaabinigaadeg debwemagan.

Awe izhichigewin gaa-dibendang gii-dibaajimo dibaginjigewin gaye godak izhichigewin zagakibii'igewin imaa Debweyendamowining. Iwe gaaban ganedat izhichigewin inakonigewinan ikidoomaganoon aaniin mayaa endawendaagwak ji-izhi-debweng, gaye aan minik bemi-inanokii-waad gaye epiichi-gikendaasowaad gemaa godak ezhi-nagajitoo-waad gaa-anokii-waad imaa Debweyendamowining.



9. Gaaban ganedat Gaa-miigiweng

Apii awe gaaban ganedat izhichigewin gaa-naagajitood gakina izhichigewin inakonigewinan gii-biminizha'igaadewan inendang, o-da-miinaawaan ini izhichigewin gaa-dibendamonid ini GHG gaaban ganedatan. Mii enakonigeng imaa gaaban ganedatan awe gaa-naagajichiged o-daa-azhenaanan aanind ganedatan gaa-gii-ozhi'oomagakin imaa izhichigewining gikendaasowin gaa-izhi-ganawenjigaadeg gemaa ini ganedatan gaa-ayaagin maagizhaa gaawiin naabishkanzigwaa igi izhichigewin gaa-dibendamowaad ayaasigwaa ini gaaban ganedatan. Awe gaa-naagajichiged o-da-onji-odaapinaan imaa ji-naabishkang ganedatan imaa gaaban ganedat izhichigewin gaa-gii-izhi-mikamowaad naagach gaawiin e-onzhishinzingin.



10. Adaawaadegin Ganedatan

Aanawi adaawaadegin gaaban ganedatan inendaagwan iwe ishkwaawaach imaa offset gii-izhichigeng, gi-daa-nisidawinaam wiiba awenen ge-adaawed ganedatan aaniin minik gaye, aaniin minik ge-diba'igewaad endaso-minik ganedat.

Aaniish daa-aanjise aaniin enagindegini ini gaaban ganedatan meshkwach niigaan adaaweng da-minose apiichi gagwe-adaawaageng ji-gagwe-ishpajinjigeng. Gaaban ganedatan daa-adaawaagaadewan awe gaa-aabajitood gaaban ganedatan gemaa nisaw ge-izhi-dagwiipan adaawaagewinini. Adaawaageng imaa adaawaagewininiing mii awe ge-mikawaad ge-adaawenid. Adaawaageng dibinawe imaa gaa-wii-adaawed nawach da-zanagan ji-mikawindwaa gaa-wii-adaawewaad gaye ji-mikigaadeg ge-izhi-minwendamowaad gakina, nawach dash niibiwa daa-inaginjigaade ganedat.



